


皆

康熙歲次壬午陽月春望日

雅溪辱愛弟盧人震頓首拜撰






仁三三懷文公像讚

容樸而古貌清而秀玉策祥符金枝華胄福備三多量包
九有不振家聲紹隆堂構螽斯衍慶燕翼貽謀軌度克遵
矩矱是守遺像在圖儀型於後言炳丹青惟三不朽

安人郭氏像讚

汾陽閨裔作嬪弋陽儀容貞靜體貌端莊四德倍懷五葉
衍祥禮嫻內則惠逮幃房紹隆前緒肯構肯堂母儀垂後
奕禩流芳徽音可述永配無疆仰瞻玉容百世重光

邑廩生穰年拜撰



九泉羞又諭其婦以訓子曰養子不教無益也此後責在
爾躬勗哉毋忘言竟終於正寢訃聞遐邇貴賤僉痛惜之
其後伊婦機前厲訓名下延師倣古賢母不憚煩鞠育教
導二子皆有所成立長希誠冲齡遊泮旣而食餼按臺喬
公心異其文援冠東士邑侯伯開錢公深相許可稱其將

--	--	--	--	--



蔣孺人陳氏傳

至四百
九十四

凡婦人不幸而失所天養舅姑撫遺孤綜家政而能教子
成名增益先業者不獨節與孝也其才亦必有過人者予
於內姨蔣孺人而見之姨姓陳內人姊也年十八歸於蔣
門和順婉婉克盡婦道未三旬而寡生三子俱幼長名士
鐸十一歲已娶鼓峯陸氏次士鍾九歲次士鉉五歲俱未
聘方姨氏之初失所天也哀痛幾不欲自存旣而思之舅
姑具慶諸孤之啼泣於膝前者若長若短乃慨然曰吾苟
能養二老撫教諸孤克成厥家卽可以見死者於地下矣
乃強節哀不意未越二週翁仙遊矣連月姑亦如之其喪
葬之事罔不敬謹而加厚旣又思夫君業儒未獲成名書

香一脉不可不紹而家計不可不裕於是乃使長子讀書
二子力田方其時邑遭閩變軍興旁午征輸不息而姨氏
內收租稅外給公賦以至接待賓旅整七有條復爲二子
聘媳紫溪邵氏官橋陳氏至己巳年長子遊庠二子亦皆
完姻其產業有加而且新其門閭豐其塋兆非其才之過
人而能如是乎姨年五十有餘諸孫暨孫女繞膝一家同
爨毫無間言使姨夫有知有不含笑地下乎今蔣族纂修
家乘予忝在眷末當表其事故爲述其大略如此至於克
昌厥家以光大前人之基業者則更在三子之箕裘克紹
也夫

康熙壬午夏月之吉

南岑吳從輅拜撰

蔣母舒太君傳

全五百
二十三

天官氏誌女四星爲須女亦云婺女星明則懿德產婦功
就邑故婺女墟也毓秀鍾靈類多賢淑

蔣母舒太君迺感星氣而誕生焉蔣之先以陶白卓鄭起
家甲於鄉邑母以勤謹嗣其後當其結褵時新婦神明矯
匕道上論者咸咤爲異日祿幢褕翟卓定推是人笑言不
苟妯娌莊憚之恭儉明恕上下以諧調御內外逡巡皆有
方局相夫子雁鳧加宜門多長者車解雜佩不少吝性聰
慧間出臆語課成敗多中蔣君字希亮以是奇焉益相敬
如賓友居無何君抱疴母揣色聽聲露禱請代淚從腹裏
落藥裹間帶呼籲血痕而竟亦不起號踊治喪幾至身殉


時年方四十一歲云念孱兒弱息失怙何恃遂取家政綜
理於未亡人之手卽寸田尺宅靡不經而營之寢興不失
度賞罰不僭約躬親緝績機杼聲軋匕丙夜不休雖深半
猶秉燭省視門牝竈突詢兒婦犬飯鷄栖鶩粒種匕得當
而後卽安精而勤謹而有序產用是饒於前漸匕稍理堂
構舊者修之新者建之今攸寧者皆母所主籌也潔齋謹
祭奉先思孝不愧詩禮薦況采蘋之風母有丈夫子五俱
英特俊偉或出外經商或在家務耕皆以伯仲分司其事
惟季子商美以瀟灑之姿秉穎異之質令習舉子業不日
必將噪名鬻序蜚英吳寧間矣且諸孫頭角崢嶸荀龍薛
鳳彪炳一庭異日蟬聯鵲起高大門間余於斯日已覘之

矣無成有終天佑其軀既富而福復康且寧星氣所感固然哉抑亦德盛者爲之也商美與余知交具道懿行甚悉以墨娥駑鈍不能備錄七其大者附諸家乘之末一以爲賢母頌一以信天官家之言

昔

乾隆四年歲在己未菊月下浣之吉

義邑眷小姪朱 倩拜撰



Blank columns for text, showing faint bleed-through from the reverse side of the page.

時翰公行狀

麟十二


公諱逢申字時翰聯川翁長子也翁果行育德津七月旦
攷其系則大宋時有諱仁山翁者從高沙徙橫城越七傳
至元末復有真理翁而遷於安如焉公生而恬淡寡營復
勤渠自肄聯川翁蚤喪生平自恨勿能久承音旨每生忌
日卽痛哭流涕如不克勝奉母盧氏晨省昏定慎終如始
聯川翁向懷創立之志未遂身殯公毅然肯構痛先志之
未售犯霜雪歷硤磊跋履山川備嘗艱辛創建數十楹今
日之子弟得以居處笑語者皆公之力居多公之爲人也
倣儻有大志稱物平施正直是與忠信表於鄉里道義浹
乎音聞遇事剛決有排難解紛之才無顧勢避嫌之意思

中貧窘有菽水不給者嫁娶無資者壘埋寡力者公必竭
力周旋終始不懈而霑濡之輩遐邇相傳公聞之如不勝
曰吾聞上德不德是以有德吾之有此也其或有所未至
歟嘗自謂曰吾族秀聳東方廻峯繞北雙澗合環所少者
西壁一巒耳非得巍然之閣曷鎮彼地軸乎爰是外資公
貯內出私囊率衆力營不日成之使一鄉之人朔望頂禮
相觀益善爲人如公真可謂男子矣惜乎埋金玉之音於
空谷屈喬松之材於少試也予係公母姪與公爲外弟覘
公之行事慕公之爲人向欲與公各起一方勤渠自肄恬
淡考終不期公竟逝矣嗚呼予獨何心能不悲哉因悉巔
末用垂不朽云

昔

崇禎癸未仲秋

鄉貢進士陞授知縣眷弟盧洪愷頓首拜撰





Faint vertical text bleed-through from the reverse side of the page, including characters like '崇禎' and '未'.

昔

禹齋隱君行紀

麟世三


隱君諱逢秋字時成號禹齋余猶子之親翁也其先蓋宋
時諱仁山者卜居橫城後徙安如隱君其十一世裔孫也
曾祖嵩祖應熊父維豹三世皆有隱德自皇考行義好施
著稱鄉里惜天奪之速弗獲竟其願當隱君七齡時也祖
母張氏母胡氏撫而教之克體其心而遵其訓從父有諱
維字者端方耆碩也凡事必稟命而後行接儔類恂匕不
出口其和風拂人匕盡化之幼疏達不羈諸書舉其大義
卽棄去謙而樂予急人患難甚於爲己歲凶傾其囊以濟
饑者視室中饒乏弗計也至於修塗封墓創祠立社蕭然
繁費見義必爲其力於行善爲端不一未易更僕數時陳

誠源春州二先生講學其間隱君從之遊而無倦先人未
厝日皇七求名師卜吉地以葬之而尤篤於啟佑後進去
家里許有名勝曰禹山壁立千仞營別墅於其下顏其額
曰惜陰山房歲延師以穀其嗣元配路西胡氏孝敬賢淑
凡奉先啟後內助皆資焉生子長曰彩次彪又次彬又次
彰又次珍皆爽朗宏曠長則余猶子之壻也美秀而文其
性慷慨將來必展其大用芝蘭玉樹生於堦庭此固自然
之符無足恠者余與隱君黍在葭末習見君行事知君之
深故不媿言其梗概如此若猶以爲文也請以俟之來哲

賜進士第大中大夫福建布政使司右叅政前江西按察司副使

湖東嶺北二道兵部武選清吏司員外郎

通家眷侍生金肇元頓首拜撰





歐陽修詩集卷之十一

禹齋隱君行畧

麟世三

隱君諱逢秋字時成別號禹齋宋有朋龜蔣公偕叔澤甫
創義塾延方蛟峯先生爲師四方來學者胥廩之俾紫陽
東萊之學煥然復振蔣公聲聞天下卽隱君十二世祖也
隱君性醇和恭謹少篤孝及長勵節敦誠慷慨不侵然諾
甫七歲失怙母胡氏偕祖母張氏撫教之有畫荻風隱君
凜凜遵訓且能以意奉歡若古人斑斕舞族中長者亟稱
之曰生兒若此門戶不替矣隱君痛父暨王父皆早逝遺
產若干過之輒泣然曰此吾先人所未及享而遺之小之
小子敢宴然食之乎已而思先人之遺當爲先人用吾自
食其力可也以是生平營祖禰喪葬外無所私悉以施諸

親戚朋友之不能喪葬者其人或來謝君嘆曰此先人惠也余何有焉或有負君者君亦弗較卽後再干反有以慰之聞者莫不喜君高誼然隱衷弗測也深慕義塾遺規而力不逮度所能者爲之建別墅於禹山下因顏曰惜陰歲時迎誠源香州二陳先生講學其中從遊無少間益博通經史大義誨子弟一以行誼爲先曰功名之得不得有命焉於人無加損也行虧則難爲人矣一日從城中歸有士人諷之曰今又市義而友乎君徐曰與營窳驩故當不同耳言者默然蓋君入城雖市所急需見人危苦事必捨貲以助往七空手歸元配胡氏黽兔同心未嘗有愠色故家中產以好施日益落人或以此規止之而君終無變志辛

已歲大水墳有露棺君特爲掩之又橋多圯或謀諸君必
經營其成乃已嗣後歲連祲人多棄農他徙隱君身先疾
耕往來隴上勤者勞之惰者曉之甚則切責之俾人匕共
奮不失時以故旱潦頻仍君一方較他處獨小稔噫此與
漢王丹何異豈止自食其力與今年五十餘矣爲善殆未
有艾余恐士大夫不知而野老樵夫知而不能言敢以所
知者誌之亦竊附隱君不忘人善之志云爾

皆

崇禎癸未菊月

通家眷侍生金肇元頓首拜撰

眷侍教弟趙明鋌頓首拜撰

...

...

朕幸燕之不忍...

亦艾余...


...

...

...

...

...



會源處士行紀

麟廿八

雅頌有云世德作求又曰貽厥孫謀以燕翼子此二言者
聯川翁於過庭時倦匕以誨會源者何父無訓惟會源能
繼其志述其事且事匕必要於成不致父之靡不有初此
孝之大者也祖德修懋振匕螽斯雖旋駟之大廈亦隘而
難容欲更爽塏相基於祖居之左自明七府君發祥安如
蓋已十傳矣兩地之食指幾以萬計家乘之未續者越數
十載聯川翁憂之日訪生卒歸則筆之於帙一日讀太史
公囑子曰我去汝必爲太史爲太史毋忘吾所欲論著不
覺憂緒益切極欲與梓人作緣倦匕商於會源不謂創業
未半忽爾賦鵬執會源手而訣曰吾生平未了事俱待汝


之志之事責甚鉅也甫祥而稟命伯氏宜劊居宇伯氏總
其綱凡鳩工遴材會源殫厥心力華棟成金昆玉友相慶
葇樓肯堂肯構樂矣而會源獨抱恨父之不及見也一日
啟筭得所筆家乘不忍手澤之徒存集衆付梓會歛之煩
瑣不厭勞頓竣事之日刑牲以告父靈曰所未了事不孝
今日補矣且生平貴在適志如阮思曠之語人曰少無宦
情一介自守卽一蔬一食曾不染指不知者謂爲硜然自
守而窺其大者羨其心如山岳雖積金至斗知其不移遇
渾厚君子求其日親狂誕自放則障面避之昔人之賞識
者有曰是一時之英今之一時會源其人也余視交中推


行誼者首重會源迺紀其畧如此

皆

崇禎癸未仲冬之朔

烏傷舉人李爾閭頓首拜撰





孫厚處士行紀

麟六十三

孫厚蔣處士諱仲義者蓋中興之賢允也蔣氏自仁山翁
發祥橫城後賢兩建義塾萃四方之英哲義舉聲聞曾遍
海宇矣極盛者難爲繼僅逮雲來數遭陽九至美德翁通
材卓識幹局有方而程羅巨費差可比擬獨艱於嗣每自
太息曰古人有云能亢宗者必擇人而任時猶子中吾閱
多矣無如美寶弟之次兒可稱吾家龍文吾羅而致之保
業滋大是在此子孫厚神凝態偉獨運元機而性生至孝
不俟讀孝經曲禮而依回於美寶翁之前先意承志及嗣
於美德翁則益切自勵居嘗默念人也一天而我獨二天
美德翁以己囊橐視如火寄博濟行仁倍於鐘鼎者之市

義孫厚又勉爲經營不拂其慨予雅貺並不以一錢一綿
入於私室四時鮮品多博致於厨呂安人質良性淑巽順
克家其烹調以供甘旨者適尊人之口體相謂各適其宜
孫厚以純孝稱者安人之力居多及美德翁舉子孫厚簡
點授產悉以讓之至公私之役身不厭勞大約多庇弱弟
以報成我者恩惟美德翁所囑祖祠與公帑殫厥心力祠
則時爲飾葺帑則量入爲出享祀豐潔外浮費悉捐以
故積微成鉅皆孫厚崇先思孝以譜未籌梓兩翁之訣言
在耳事不去心今梓矣一切會計皆有奇畫生平安於樸
素不倚素封以侈靡相高衣裘葛食不珍錯此其封殖勝
筭視人無青白眼啟口無雌黃言人有競則以和巽之言

相解人有緩急則不吝傾橐相周俟年日邵而懋修益無
既矣余雅善孫厚因梓其譜而贈之以言云

皆

崇禎癸未候之一陽生

烏傷舉人陳聖圻頓首拜撰



蔣府君傳

麟六十五

嗚呼予何忍爲府君作傳耶蓋府君者予故友紫垣王大父也憶予去冬訪紫垣於其里紫垣病執予手言曰予所憾者不能有所建立慰祖父之靈於地下倘不測其爲我作傳表先德者惟子耳今紫垣死越數月其季弟子發承紫垣志持行狀丐余言余不敢有死故友心因按狀而爲之傳蔣君諱煒朝字時聘號生梧生萬歷辛丑卒康熙丁巳享年七十有七娶張氏君與氏侍膳乃父全六十八府君暨妣葛氏曲意承順始終竭力待昆季敬且和接隣里戚屬俱有真意不以文人有紛難力排解不屑財利困迫者來告常賑濟之生長子彬緒天性骨格有乃父風同

堂外戚亦不踰家訓惜幼工舉子業數奇不就年僅三十
五而卒娶賈氏先卒此卽紫垣父也次子彬綸亦不幸早
世單遺一子祥方十歲其時二子繼亡三孤在抱僅次媳
王氏孀居守節府君重握家政俾合爨所遺三孫外則府
君教訓聘娶內則王氏撫養鞠育難已今長孫奎篤行懋
修克體厥志次孫壁幼孫祥俱充學生府君之靈庶獲少
慰不意長孫棄世紫垣旋繼卒世嘗謂積善之家必有餘
慶以府君二代循謹孝友傳家若此宜平和氣致祥繩口
孫子乃俱不獲永年抑又何也雖然仁者必有後語云不
於其身必於其子若孫吾知府君之後必有昌大其門者
余將拭目俟之

眷姪吳從輅拜撰

蔣君時聘公贊

麟六十五

蔣君之存是爲達尊天性渾厚孝友克敦誠宗族鄉黨之所稱而又能推愛親愛子之意教育其諸孫或翱翔於泮水或竭力於耕耘殆將畱芳譜系垂裕後昆管城子曰是不可以無言

香砂趙 衍拜題

皆

康熙四十一年孟冬月

一



不

...

...

...

...

...

...

方澤蔣公傳

麟八十

翁諱煒用字時行別號方澤心字公之仲子也世居吳寧
治南之橫城其先世明仲公與伯康公復興義塾敦請方
蛟峯先生講道於茲一時執經問業者無慮百千餘人而
文教昌明至今絃誦之聲不絕蓋先生之流澤於是乎遠
而二公崇儒重道之風猶遺後世不能忘也翁因以家風
恪循禮讓凡四方之士來遊者必延至其家敦欵洽焉家
饒於財而心殊慷慨好行其德里黨多賴之且天性盎然
奉二尊人孝養備至與二三昆季相友善垂老無間言其
治家也嚴而有法終日衣冠雅整未嘗有媮容凡行止坐
臥無少長必示以道是以門內化之肅若朝廷焉翁於古

誼多講究惟不耐世務自歲輸賦稅外未嘗一至長吏之
庭鄉老或列其善行白於官將優之賓筵以爲邑人勸翁
却之曰爲善而使人知己淺况更標置於通都大邑之間
吾不願爲也因是益韜晦增修厥德惟日以詩書教率子
弟克底有成至於花晨月夕則偕里中耆舊啣杯賦詩以
適其志翁生平無疾言無遽色與人恂々如不及而涇渭
判然要與脂韋從俗者不同余自春闈被放來吳寧時與
翁令孫坦許君錫五互相往還因披邑誌知方先生教澤
與二公啟後之功至深且遠而又有本其家法不言躬行
如翁者聞之心益嚮往彌日獨恨吾生已晚不獲登翁之
堂親接翁道貌猶幸後人咸克承家有基勿棄行當扶搖


直上以爲翁泉臺生色今令耶輩鳩其族人重葺家乘惟
翁行誼闕然深以爲歉余深嘉其行因据所聞於鋤五而
臚列其梗概翁生萬歷甲辰年正月初八日寅時享年七
十有二卒康熙乙卯九月廿八日亥時元配陸氏生萬歷
戊申年三月廿六日巳時卒順治己丑年九月廿一日酉
時厝去家半里方西山頭繼娶馬氏生萬歷甲寅十月初
四日戌時卒康熙甲寅四月廿五日巳時與翁同厝於東
塢之原生四子長彬穎字錫其邑庠生次彬祚字錫又邑
次彬齡字錫九邑庠生陸氏所出季子彬桂字錫元馬氏
所出孫男濟也並有賢聲克昌厥後云

皆

康熙歲次辛巳秋九月既望

年家眷弟武水魏

坤拜撰



Faint vertical text columns, likely bleed-through from the reverse side of the page, containing various characters and possibly dates or names.

邑庠生伯父卓山翁行狀


麟九十八

予先考敬承翁蓋與卓山伯父同庚同游庠者以此里居雖少隔而歲時聚會愈篤其友朋昆弟之懽而予以子姪之詣親炙有素復得與其長君璞生兄同事筆研因習其懿行甚悉今雖音容云邈而遺風宛在猶足令人追維忻慕願爲執鞭謹述其梗概以示後云

伯父諱煒元字時善號卓山世居安如矣崇禎元年戊辰江文宗所取補邑庠者時年甫弱冠而嗜學之志彌堅窮經讀史爲文詞悉出入於秦漢唐宋諸大家其於舉子業蓋攻苦有年矣比壯歲復精於星家言及堪輿術所著有地理書二部至爲人卜吉與自爲祖父營宅兆往亡不

遲久而發祥則正學之餘緒也居家事二親能先意承志
 與厥弟庠生公調翁友愛備至怡以白首如初年躋八袞
 齊眉夫婦相敬如賓其篤於倫理然也至於處鄉族則公
 平和易待親戚朋友則眷顧而久敬之睦隣則遇變而為
 之排難解紛教于則不靳厚貲為之延名師擇勝友所構
 別業在蘭室之陽爭几明窓佳卉羅列朋儕時至未有不
 殷勤款待若夫仁心利物則不計高下親疏如佃人房客
 有窮窘者每出己囊佃濟之而秉性又復剛介見非義之
 財必嚴為却之於稱貸之利息則曰此浮財也悉從輕減
 其懿行口碑不勝枚舉又有如此者所舉丈夫子四長彬

璨字璞生蚤歲游庠克承先業次彬璠三彬璵字魯珍幼




彬珂積學有素高尚士也孫枝濟均均有忠厚好學遺風
卜昌未艾卓山翁可不朽矣是爲狀

昔

康熙壬午菊月望日

宗小姪曾源懋猷拜手撰





...

...

...

...

時德公行狀

麟百十四

公諱煒懷字時德係義學朋龜先生之裔也厥考心字公
有隱德妣葛氏有淑德育三子公序幼藉先餘蔭賦性敦
敏明承箕裘之業篤志好修以弱冠聲振泮林益力藝苑
爲文有干霄凌雲氣概縉紳先生亦甚器其不凡奈遭時
坎坷退而恬養詩書以寓盡人聽天之意自勵以人可謂
樂天知命者矣况公之爲人不苟取不妄行友以和處衆
以誠孚遇人一懿媿無不樂道而稱揚之是又人之所樂
與交者也父母兄弟之間不愧明發棠棣之章是又可以
模範家庭者也至若昔然未成之業將墜之圖公襄理井
井有條不憚艱辛無間寒暑是更才越恒流可令人服膺


不替者也嗚呼公之生平履歷若此宜乎繩以孫子克昌厥後乃天僅萃其福不種其嗣何哉維時衆姪濟七每向公而言曰叔父負盛費百年後盍計守者而公曰否也幸有衆姪恪守前規無忝厥祖余卽負不孝罪其亦可稍慰於九原但願貽田數畝以爲歿後歲時之奉足矣他何庸心蓋公之意見誠有超人一等者身雖云亡而令名豈與俱歿哉公生萬歷辛亥七月廿七日卒康熙己酉八月廿八日配葛氏生萬歷乙卯九月初十日卒康熙辛亥七月十八日合葬本里方西山之原從卜吉也余久居安如明公愛甚深知公行備稔今適蔣氏重修家乘公之姪孫子仁復以狀來請因不辭鄙陋敢筆揚之以爲採風者芻助

云

昔

康熙壬午仲冬既望之吉

年家眷姪盧人傑拜撰





魏烈壬午年冬月望日吉

省

云

紹源公蔣先生行狀

麟百四十九

蔣公諱煒鼎字公調別號紹源朋龜公之裔浩源公之嗣而先王父心如公之壻也方王父未得先君時先育姑甚聰慧深鍾愛焉甫七歲授以內則輒成誦稍長以婦道教之唯也惟命一日謂王父妣曰是當非凡婦吾將擇積德昌後之家屬焉乃遍閱親故無一可其意者會公就邑大夫試時方總角而循也雅飭絕類王謝風流王父見而器之詢其姓氏考其家世遂欣然以姑適焉公家學淵源習經史工文辭大都得之庭訓比遊庠與先大人治舉子業賞奇析疑晦明弗輟然屢試棘闈卒皆困於塲屋蓋有天焉不可強也公純孝性成居太夫人喪哀毀幾斃三年之

內甘旨未嘗入口厥後浩源公享年最永公事之敬謹如
一日公之伯氏曰卓山公其大致與公相彷彿而瀟灑過
之居常儼籩飫酒與公脫略形骸以爲樂而公執長幼禮
未嘗少越處夫婦敬而且和一時間里僉謂姑有淑德克
相夫子實公刑于之化致之也舉丈夫子五長諱球次諱
琇三諱瑄四諱瑗幼諱珪公訓以義方大約以立品存心
治家讀書爲諄也故諸子克遵父訓咸卓也成立其次
諱琇與諱瑗者早已策名黌序也處諸姪輩懇也懃也不
啻親子公宗族蕃衍不下數千人公以爲皆吾一本接之
靡不藹然待親戚知交皆有真意故歷數世而情猶弗替
鄉隣之間雖三尺童子必加禮焉公平素謹飭不尅不出

戶外遇盛暑亦未嘗見體尤謹於然諾生平未嘗食言慎
於取舍非其義者雖絲毫不妄取以公盛德雖古君子何
多讓焉公享壽七十有三吾姑亦七十有九孫男濟七又
多有文名行見繩祖武而光大之信乎積德者之果有以
昌厥後而王父之知人誠有操券而得之者仁叨在內姪
備知巔末是爲狀

皆

康熙壬午歲蒲月朔旦

內姪王煒仁拜書



Faint vertical text columns, likely bleed-through from the reverse side of the page. The characters are mostly illegible due to fading.

紹源蔣公傳

麟百四十九

邑西南溪杜氏距安如蔣氏可半里許憶余方弱冠客居南溪休暇無所事輒引儕輩出遊由感山憇盤龍小庵直登雙峯迤邐南下繚入田塍數百武爲安如地有雙溪繞屋環注水清而流駛余乃沿澗徐行見臨野一區跨澗繚坦倚涯而門適有童子導余入堂軒靜爽卉木蕭疏登起舞之樓山光拂檻窺藏書之室帙盈床竊意有是者當非塵埃中士也盤桓少頃日影已西偕遊者促予返遂未暇謁其主人歲越辛巳予館於月堂陸氏其明年安如蔣子景周來就學講論之暇指畫昔遊忽七垂二十年因詢跨澗而堂者屬何主人蔣子曰此卽濂先王父讀書處也

王父力學自修有命世之志終以屈抑捐館舍者已十有
二載於茲矣既而出其行狀請予傳曰願丐先生一言以
表彰之余惟不文卽有言何足爲公重然不可辜其請也
公諱煒鼎字公調別號紹源朋龜先生裔也公幼敏慧稍
長就外傳雅好詩書且夜呻呬亡惰弱冠有文名邑縉紳
先生多器之必其遠到比遊庠聲振黌序凡所著論輒驚
其儕偶公彌復自下無寒暑朝暮攻習舉業卓然有展布
之思無何屢就省試卒遭顛躓後拊膺嘆曰遭遇何常非
人得主天將厄之我故營之毋乃徒戀七青紫爲乎遂棄
經生業時余家頻齋先生講性命之學於永之五峰書院
從者雲集公心慕之重繭擔囊累歲不倦志殷七奮也公

性孝友事父母朝昏飭髓旨省視惟謹大得其歡心及卒
寢苦菜食悲慘哀痛如孺子泣者三年隣里爲之動容公
伯氏卓山公瀟灑豪宕脫畧形骸居常呼公與酌咏歌謔
笑相得如良朋而公執長幼禮不少越爲人慈良謙謹順
治丙戌乙未乙巳間歲且洊饑民嗷也而溝壑轉者相望
公惻然心憫盡出其羨餘粟賑之遠近多賴以存活遇惡
少以奸宄逞視不啻虺蜴諄也戒子弟勿與近且訓之曰
毋或類是也諸子姓或以事相忿詈攻訐不能平公悉曲
爲排解指陳利害剖晰是非必令愧悔開悟而後已生平
尤尊祖重儒增置祀產聘禮經師靡不竭力爲之卽今衆
弟子員文學日斌也起公鼓舞之力居多矣公篤信好學

老而不衰暮年屏謝俗氛惟吟風弄月訓子課孫以為樂

云

論曰公宗自朋龜先生創興義學招致名儒而教澤宏遠

矣公少年博學能文睥睨一世謂大業可垂手為者而隱

約終其身則其數奇哉孝弟之行道德之敦救患恤災禮

賢勸學之恐後所謂鄉先生歿而可祭於社者曷愧歟使


公得展猷為以行之家庭者行之天下又當何如也抑語

云仁者必有後不於其身必於其子孫天道人事若合符

節聞公子孫濟也斬然頭角余未獲盡見也而景周甫丁

年沉靜不佻力學為應世之文充其所至無難紹淵源而


恢大之他概可知矣景周勉乎哉



昔


康熙歲在壬午夏六月

眷侍教生陳啟宗頓首拜撰



續成寧氏宗譜

光緒戊戌年重修



張烈處在壬午夏六月

卷之十一

恭祝

錫翁蔣老年臺八袞壽序

麟百七十四

憶順治之乙未同穎脫於張公之歲試拜謁於學宮者四十餘人然多自矜飾露其英爽而能恂匕以慎默相揖讓者獨

爾錫蔣先生先生幼敏而好學專心於經術藝文旁及於子史百家暨堪輿岐黃之書無所不明辨爲人溫然玉立而仁心爲質口無飾言欽之家叔祖甚器之以道義相投合因與從兄輩延爲西席命其子惟斗從之遊卽以是歲寇入邑庠之軍而先生曾不以爲功咕嗶之外好行其德人之祈按脉成方者日接踵於門而先生曾不以爲惠暇


卽遊歷山水參透陰陽向背以卜厝先人而先生曾不以爲煩至於待羣衆則以誠恕接親朋則以恩義奔競羶集之場而金玉已遐心也後以事家處恬然於安閑無累之境日課諸子學業而巳有翹然補饜序弟子員者矣宜爾孫而蘭芽秀茁者至十餘人矣太和之氣薰蒸於閭第此其所以安之而有餘歡也余之契濶先生而不獲親炙者歷有數年矣每思之而不勝嚮往欣慕適惟斗之于含章語余先生之矍鑠逾常時雖足頗倦於步履而顏益渥丹七箸亦加進神明之用不少衰今冬躋八秩欲得余一言以侑百歲之觴予聞之而謝不敏因躍然曰余何能以不文爲先生重先生亦何俟余言而重第思源深者流必長

根厚者枝必茂先聖之言曰仁者壽洪範之五福尊壽而
必以攸好德媿之誠以德不深厚不能積陰隲以享其報
先生之本源可謂厚且深矣人謂視安期偓佺之久其用
者不少遜則由是而九十而期頤直可預卜余謬以同年
之好習先生也深故敢實次其所知以供先生之一笑而
侑觴

昔

康熙歲次癸未正月穀旦

歲進士候選教諭年家眷弟許欽守頓首拜撰



謝顯與太矣...

孫而曾...

前...

公秋督...

青不...

夫...

必...

財...

乘驥公小傳

麟百九十四

公諱逢騰字乘驥生天啟戊辰正月十一日寅時卒康熙
己卯正月廿五日戌時無疾而終享年七十有一公父惟
迪爲人醇謹母陳氏十九歲作婦二十歲生公廿一歲父
卒母孀居守節家貧困苦勤勞紡績養子成人公稍長就
塾勤學外卽竭力耕種以供子職溫清定省事母克孝其
爲人忠厚謹慎遜讓謙和有唾面自乾之度耕讀外城市
不入世事不理不好華飾勤儉質樸真無懷葛天之民也
元配永康王氏生天啟戊辰正月初九日丑時與公同庚
至今七十有五猶康泰安和爲人溫柔敬順勤謹和諧孝
奉其姑甘旨無缺生四男一女男一坑一緯一昌一盛皆

志節超羣才能邁俗或美秀文雅或慷慨俠烈莫之與京
女適吳元章孫十人正蘓正鼎正潘正世正彩正雙正書
正科正楷止華皆聰俊英奇瑰偉映麗此皆公累世忠厚
積德之報也古云有德者昌作善者降祥宜乎其螽斯衍
慶昌熾無窮也歟余因長君一坑孝思不忘恐先人之行
誼湮沒無傳備述其概丐傳於余兼與昆季相友善不辭
鄙俚敢援筆而識其家世如此云

昔

康熙壬午仲冬日

繡川眷弟吳師襄衣德氏拜撰

貢生行翁蔣岳翁傳

麟百九十九

岳翁諱忠敬字爾行乃太翁賢意公昆季五公居長早沒
岳翁少孤諸叔父屢思以計中翁遁之外獲免比還事之
愈謹諸叔父感其誠亦不甚加害叔父相繼沒友愛同堂
諸昆弟無少芥蒂岳翁少英敏好學有志上進授例輸粟
授貢元奈時際末朝軍興旁午隱居林下惟務本業不預
外事一以謙儉是尚居家裘不敝不更飲食淡薄自甘無
世俗侈靡風處於鄉有非意相干不待情恕理遣談笑相
釋累貲巨萬甲於西南仍自視如寒素無少矜情倨色人
有假貸聽其自償設逋負雖數百金終不過索度外置之
故吸其惠者至今德焉視城市如畏途無大事足不踰閭

賓朋交至氣誼稍不合者每難以一面可謂不掘泥揚波者矣厚以載福享年七十有三而逝娶王氏生三子二女繼娶李氏生一子諱錫韜充太學生餘俱務本恪遵先人遺意其貽謀亦足稱也或曰丈夫以七尺軀挺然天地間上之施德行仁使四海沾其膏雨下之亦當為一國之賢一鄉之士起式眾流補虛濟匱如范公義田之為區區課耕稼贍子孫何足掛齒予曰不然視彼世俗桀驚之徒挾富凌貧藐孤吞寡一言不合輒持戈相向珍羞羅前統綺耀體示子孫以驕奢惡習人皆怨之鄙之翁顧不勝一籌乎或曰然故論之而不憚謹為之傳

康熙壬午臘月朔日

南岑子壻吳

燧百拜撰

肫一蔣公行傳

麟二百五十一

余性喜真率畏塵囂一切市城浮僞二三之習若釘眼刺背秋毫不相入以故避居先人別業時嘗物色諸隱君子求所謂無懷氏葛天氏之民者然不數匕覲乃獨於安如蔣公首屈一指焉公諱忠愨字爾誠別號肫一想亦憤時之浮僞二三故自署以見志也公生有英姿慎容止僮僕多大節尤篤於孝友事兩尊人志養色養兼至復饒幹才排難解紛片言立決鄉里賴之僉謂王彥方復生性好施予劇有古孟家風凡里中孤苦撫恤甚篤然不望報無不竭忠如坐人於春風中而脉匕化之真善用恩者 邑父母屢旌嘉之甚盛典也且好客逾倫等結納頗廣親友雖

數至必欵接弗倦其真摯實從肺腑中流出非故貌爲聲
氣者余季弟錫俊獲坦腹杜家與公居僅咫尺許時嘗於
往來間得承公顏色後遂聯爲莫逆交阿咸洪幹亦過蒙
撫愛字之若己子誠今之古人也余宦跡遠羈海天萬里
桑梓故人聞問久疎如公者尤素所景仰不能致其身於
其人之側以時奉清誨而挹輝光猶得於予季之口如對
公之面焉因爲據實付家乘聊當公之小影云爾倘更有
喜真率如予者當必據傳稱嘆曰吾乃今而得無懷氏葛
天氏之民也亦未必非救浮僞藥二三之一助云

鄉進士任廣西梧州府鬱林州知博白縣事文林郎

年家眷弟湯錫仔拜撰

肫一隱公行狀

先考麟二百五十一府君諱忠愍字爾誠別號肫一幼有
穎姿適國鼎初定之際四方猖獗志求全以承膝下謝
去舉子家業先大父庠甲於鄉待舉火而望救涸者門常
接踵大父倦於應酬皆先君將順之力居多人是以前戴
於先君而少年英俠之氣遂藉匕有聲然先君雖挾個儻
之概惟敦誠厚之誼承顏愉志溫清定省則學古寢門也
友愛夙成怡匕同氣不殊聯大被也勤而且謹綜核厥家
政而家業日益以饒增建堂構輪奐翼然喜濟人之急排
人之難嘗輸積以賑饑荒捐金以續人子廣交遊重氣誼
不下北海之座上常滿樽中不空凡縉紳長者往匕折節


於先君欲結爲金石交而先君惟淡定不渝不屑稍涉於
聲華生平操守溫而嚴和而介也至於佛像之雕粧道梁
之修葺亦不吝重費以助厥成其積而能施乎且襟期爽
朗涉獵羣編觀古人行事以卜今人得失怡情音律時鼓
瑟吹笙娛厥大父大母以代萊舞迨大父母捐館之日哀
毀之色衰杖之制及附身附棺之痛泣莫不各協於禮內
不失於爲子外不失於與人大世五十餘年行事亦難枚
舉至謝賓客之天聞訃來者其悲咽欲絕如喪厥考妣則
先君之入人深感人切亦畧可知矣距生崇禎乙亥年三
月初一日亥時不幸康熙己卯年十一月十四日寅時卒
於正寢配慈尊包氏夙嫻儀禮質性貞靜一燈數軸勤其

紅春羔秋雁預其積系先大母親姪爲先大母尤鍾愛能
不恃愛而愈加敬事孝謹冠著於妯娌嬪先君賓友其敬
弋鴈加宜課志備以成人業延師十餘年無倦容無吝色
饋養儀物始終如一日生崇禎己卯年五月三十日辰時
越今康壯淑慎猶爲婦式志備上稟母儀尚未獲售一經
以無負先大人之志所甚歉也男一卽志備忝孫三正珍
正璇正瑁嗚呼雖慈幃之懿言令範凜於旦夕而先君之
聲音笑貌厯諸如在矣茲值宗譜重修謹述梗概以俟名
公大人秉如椽之筆者採而誌焉庶其久而彌芳則所以
拜嘉賜者多矣

昔

康熙四十一年歲次壬午長至後三日

邑庠生男志備學名鰲占謹狀



爾嘉蔣公行傳

麟二百八十

余是歲壬子縣西之安如延爲西席獲與蔣君雲解往來
交契因悉乃祖芳徽余恒耿也不忘今其族重修家乘徵
余傳以表揚祖德余曷敢以不文辭公諱忠言字爾嘉行
麟二百八十生平安分守貞口無雌黃行無邪曲享杖朝
之壽更逾六齡誠齒德並隆人也又具有幹練才承前代
之鴻模垂後來之燕翼駸乎乎擴其貲產新其堂構善守
成而兼創業更爲鄉里所共推蓋公之日夜焦勞者惟以
先人潛闡爲急務爰奉親柩卜厝於鳳凰山之原觀者僉
以爲佳城鬱也後之發祥正未有艾且不吝己產捨地數
畝土名南山塢立爲義塚任四境貧民咸得築夜室而葬

埋之其種德行仁方之于公不是過也元配畫溪王氏內
助之賢堪與敬姜匹美生二子長志仁次志信濟世保家
綽有元仲遺風孫六人正冕正曜正暘卽雲解也正昭正
曉正暄昂七然頭角崢嶸俱克亢宗而繩祖武但公之貽
謀尤重書香一脉雲解天姿挺秀質地超羣公乃畱心課
業不靳東帛延師及冠赴試亦必給以卷資路費適馬文
宗按臨以改名時若補入邑庠詩禮彬七士林咸欽仰焉
要非公之厚德所致螽斯衍慶樛木呈祥亦安能振七蟄
七乃爾哉然則公雖云亡其垂裕正靡有窮也於是實次
其所知而詳爲之傳

乾隆四年己未桂月望日

鄉進士魏屏後學趙

楷拜撰

貞一隱君行傳

麟二百九十

蓋聞身騎箕尾歸天上氣作山河壯本朝歷萬世而不可
磨滅者此固忠臣義士抗節功名之士也若其發潛德之
光志潔行端雖事業不載簡編姓氏或遺麟閣亦足流芳
奕世而不至隨形而敝者余於蔣君貞一公諱忠懇字爾
實者深有得焉歲在癸丑余館於安如義學堂弟子中有
純亦與佐君品格秀外惠中見其文清剛之氣溢於行間
誠出類才也此豈無所積於前而洩於後者歟後乃詢諸
生成謂族內有貞一公者原足領袖一鄉純亦其嫡孫佐
君其曾孫耳余併問其詳諸生前而致詞曰公壽踰八秩
粟帛冠帶屢拜


皇朝之榮賜焉雖去今十有餘載而生平素履老成猶交口稱之
公之德器純粹如精金溫潤如良玉吐其儲蓄不減起剪
頗牧之奇而乃韜光遜跡構椽自居絕不以世味累其趨
其言論施設間常卑牧爲懷而才華不露事椿萱非僅以
頤養謝職婉容愉色必竭其誠處昆季則友愛性生訓子
課孫不外耕讀兩端至戚舍隣里亦無不待之周且至若
遇夫人有譁言囂服破規裂矩者輒擯棄而不屑與言此
皆公之實行非虛語也余聞言嘆曰盛德之光徵於令望
則謹身飭容之實孰加焉貞信之操堅於金石則激濁揚
清之志孰尙焉而且敦五倫植綱常於不墜全六行維風
化於弗衰則型俗訓方之本孰愈焉公非齒德兼優而爲

右族之碩望哉無如景高山徒深仰止追芳躅倍切遐思
嗚呼公身雖赴玉樓而精誠豈遽沒乎將葆其天真以自
全乎抑奮爲明神以垂其鑒乎將爲麟爲鳳以寓其靈乎
抑爲金爲錫爲圭爲璧以瑩其魄乎是皆未可知今幸得
諸生之言而知公之爲人誠宜爲大雅所傾心幽人所賞
識而表潛德於在淵也若夫公之淑配陳氏婉婉貞靜固
應婺星產彩而繼承之子若孫亦耿介拔俗瀟灑出塵俱
克纘先緒而光大之余又何容贅焉謹序

皆

乾隆己未菊月上浣之吉

鄉進士候選知縣眷小弟魏屏趙楷拜撰



敬先蔣君傳

麟三百四十一

今之世以狙詐爲技能生殖爲幹練舍是則勿貴也榮於
朝顯於國猶曰不修邊幅矯飾名節可以光閭里而耀交
遊若身不膺一命名不出鄉黨則筭錙銖逞智能人言不
足畏虛譽不足惜一旦美其輪奐華其衣服長子孫而潤
姻婭能事畢矣庸夫孺子亦相率而誇之謂其計誠巧而
其術誠工嗚呼是所謂人傑也孰知人之所傑未必卽天
之所傑蓋人之所能爲者人也所不能爲者天也今觀於
蔣君而益信君生而敦敏長習詩書泊然外物不以擾其
性乃舉業中廢而勤服先疇視世之奔走形勢者反覺自
適其志天固貽以安耶其中沛然若日與古人爲伍而其

言呐然如不能出諸其口世之高談雄辨者多虛其中而
文其外然而勞矣甚者興戎若君者天固逸其口而靜其
競耶勤而作倦而嬉外不言子母之償內不計盈虛之數
世以爲拙矣而拙者若巧先人所貽今有加焉善人富謂
之賞意造物亦鑒其誠而默相之耶趨庭心切遠延西席
族之負盛貴號素封者或未逮焉世以爲迂矣然天報之
速人或白首無成而乃郎輒有聲藝林取青衿如捨芥又
豈世之所得料耶古云修德者昌恃力者亡又曰天之所
興誰能廢之不誠然哉娶盧氏內理家政婦德婦功足爲
鄉黨之型外相夫子瓊瑤雜珮不乏贊襄之志殆天作之
合者生五子長茂第邑庠生次茂筍茂簡茂箇茂範邑庠

生女一適魏山應氏諸孫濟七爇翊弱冠采芹爇端輩亦
頭角嶄然竊觀今之世有可傳者少矣而傳者又未必真
若真者又不必傳也雖然其人真其事真則言者不虛而
傳者無愧又烏可以勿傳於是援天以信之而亟爲之傳

皆

康熙壬午之冬

眷弟趙正采拜撰



恭祝

岳父大人瑞翁八袞榮壽序

麟三百四十八

箕疇五福壽居其巔壽綦重矣哉然壽者受也授也有以受之是以授之受之者愈宏斯授之者彌篤書言天壽平格詩言令德壽豈蓋謂天人感應之際受與授固毫髮不爽也是故世之糊口如孩奉躬如婦溫飽以養其軀者謂可以得壽矣而未必壽煉汞燒丹假神仙之術以祈長生者謂可以益壽矣而未必壽惟以忠信爲福田播以仁種以義耨以禮安以樂仰無愧俯無忤優焉游焉以自適其天真者則不期壽而壽自永是歲臘月爲吾岳父大人瑞翁八秩懸弧令旦而來歲菊月卽爲吾岳母

安人張氏八秩設帨良辰斯時也開渭水之筵舉梁鴻之
案雙七鶴髮兩七齊眉姻婭戚友登堂拜祝或捧觴以進
曰粵稽華胄詡徑致二仲之從公琬爲社稷之器世澤長
矣公宜壽或舉觶而前曰鳳毛麟趾元方季方承歡膝下
衆羨二難象賢肖德父母其順公宜壽或執爵而陳詞曰
芝蘭玉樹盈生於庭子七孫七祖武是繩含飴弄之聊樂
我云公宜壽然此特淵源之遠門第之光與夫後嗣之昌
且熾而非公之所以獲壽也公之獲壽蓋在德焉公狗齊
敦敏經史諸書罔弗淹貫乃泥塗軒冕不樂仕進惟日侍
庭幃奉甘旨承色笑視聽形聲之外務得高堂垂白之歡
心鴈行惟五公居其三獨能友愛因心上宜其兄下宜其

弟賡式好歌既翁卽田荆姜被亦不過是至若賦性嚴毅
律己端方不阿時亦不戾俗不茹柔亦不吐剛秉公持正
磊也轟也較夫突梯滑稽如脂如韋以絜楹者相去固遠
甚也安人張氏至孝性成未字時已割股以療父疾俛歛
考得享遐齡及于歸敬奉舅姑洞也屬也執玉捧盃未饑
加餐未寒進衣其婦道堪與思媚比肩而和諧妯娌則怡
然藹然不啻玉昆金友撫字嗣媳則割肉斷葱悉以方正
不徒在恩勤鞠育間夫以我公之乾健配以安人之坤順
夫也婦也惟德之行故維皇眷顧介以眉壽綏以繁祉而
賜帛賜粟均荷

彤廷之寵錫者再而三焉而未已也且將由是而髦而期

頤如日升月恒並行不息而相與慶協老於百年詎止今


日然哉琦於是從諸君子之後滿酌金罍長跪而稱祝曰

泰山蒼々泰水泱泱以德獲壽山高水長

皆

皇清雍正癸卯年律中大呂下澣穀旦

邑庠生子壻樓彬琦盥沐頓首百拜撰



蔣君瑞翁傳

麟三百四十八

余常觀當今之世竊虛聲博腴聞一似浮華可恃文采足
觀而不知言輒招尤動多獲咎卽或能外飾一時而終不
可欺也若夫余親翁諱忠祥字爾瑞別號福徵者行雖不
僅以一善著而可以一言益之者其惟誠乎幼不必以孝
名而親心已順長未嘗以義稱而衆心胥孚恂也乎無妄
語也循也乎無越志也殆不言而躬行者歟世謾謂樸誠
無僞僅克免一身之過而略之詎知靜以養德有識者共
服焉乃歎君之兢業自守實心也持躬以正實德也篤於
宗情厚於親誼實行也周人之急成人之善實惠也闇然
不求人知而衆善已萃於一誠中矣德配張氏幽閑貞靜

幼而事親孝行已著當張先君抱疴時揣色聽聲祈禱請
代割股以救之厥後張先君康健十餘年者非慈尊之孝
不至此及笄作婦事舅姑先意承順孝行亦難枚舉長君
諱志發字允振者亦嘗涉獵詩書嫻習文藝方謂一索遂
畢熊羆吉夢誰料慈尊行年五十復產一郎諱志棟體幹
魁梧大器晚獲未必非翁積誠之報也歷稽嫡派茂實蔣
公發祥之兆亦由五十三歲所得今以翁之次君較之非
其繼起而符瑞者哉余兒士鈇忝屬半子具道懿行甚悉
以墨娥駑鈍不能備錄七其大概附諸家史之末以警夫
世之秉心制行之不克誠者

世不古處孰全德性惟君行誼出於至情守默而謹抱樸
而醇人僞而率直人詐而存誠跡其生平實獲我心君雖
生於今吾必謂無懷氏葛天氏之世之人

皆

康熙歲次壬午菊月之日吉

眷侍教弟杜光倫頓首拜撰



香林林氏宗言

東漢張氏壬午陳氏古

世

主欲令吾世能勝其天

而籍人而學且人精而容

世不古則傳全辭并部款

恭賀

尊親翁爾斌翁蔣老先生五旬華誕敘


歲乙亥秋八月初旬之七日蔣翁字爾斌者五旬華誕也
余男洪偉職黍半子夙戒趨庭百拜稱祝余思祝之爲言
昉於華封人之願陶唐氏嗣是曰無疆曰萬年曰維祺最
著於詩至宣聖夫子曰仁者壽而先之以仁者靜明壽之
由靜致也夫所貴乎靜者非擯棄一切寂守無爲之謂其
謂無妄念無輕舉無好大喜功之見也余與翁始托姑表
之緣繼成兒女之好所以接光霽親令範者稔矣翁承先
世積累之盛詩禮家風豐亨舊業其陶養德性者深而優
能自淑於中和克灼於義命井井然居室有方循々然處

事有序落七焉律亡以公而敬凡此世俗華靡之習浮競之態皆不以撻其懷則其念誠矣惟孝養厥父母友受厥昆季坐人於陽和煦暖中不屑與較而怨尤俱釋非持重於視聽言動而能然乎且度其勢之所必至審其事之所當爲因變制宜隨時裁定不事凌躐由是財日以阜業漸以豐而倖艷不形於色不期大而自大不邀功而有功如此綜此數者不適相符於仁者之靜也耶靜則神固神固則遐齡之福自我致之不求而得也已今者年躋五秩鬚鬢不華已徵凝固之兆且相家有加宜之配繞膝多芽起之英翁優游林泉以怡其氣頃聽絃誦以舒其情不愈如干霄之椿鳴陰之鶴歷大千而難老合封人之祝詩人所

稱而畢萃也哉如余區區不斐辭詎足以揚厲萬一第華
筵聿啟賓朋鱗集余兒幸廁於側因屬筆以敘并製桂枝
香詞一闕侑觴詞曰

蒹葭極目正玉粒告成金風初肅嫦娥不愛仙葩枝也鎬
簇乘風吹送天香好向華筵遍生芳馥長空一色湖平浪
穩籌添海屋復何利何名競逐喜敘順天倫樂事相續
酒釀麻姑菓珍西池三熟砌蘭庭桂勝蓬島但耕芝發藕
自足葛巾野服猶唱桂枝香曲

眷侍教生包用光頓首拜撰



若水蔣君紀略

麟三百六十一

君諱淑仁字長人別號若水庠名卓姓蔣氏世居東陽之
安如里其始祖伯康先生於明洪武時延名儒興義學併
心性命自覺七人一時聲望甚著君少讀書姿敏而性醇
厚下帷攻苦無寒暑朝暮思以繼其前人而昌大之弱冠
爲邑文學通經廣記誦名噪一時然數試數躓也君處之
恬如嘗語子弟曰學不可失名不可邀自古江湖廊廟並
有賢俊要思所藉以不朽者果屬何在若今人讀書工文
藝直爲求富貴利達嗃矢耳與古人立德立功立言學問
却是走時便錯了路頭居於家吟誦不已客或詣其門往
匕手一編出雖功名置度外而勤學常如少年於百家諸


子方言等書一切屏弗視且訓其子曰是無濟實用更多
惑人後生小子尤宜屏絕若聖經賢傳無一人用不着無
一事離得他爾試隨意思去信口念來有一句不與人間
日用事親匕切匕者否此所謂布帛菽粟有之則生無之
則死如何可不細心熟讀故里中人爲之語曰今之讀書
者疇能似長人若粟充我腹若帛衣我身一毡五十年朝
暮聞吟呻生平謝絕俗氛足跡不輕歷城府鄉人有以事
趨其見邑大夫者輒掉頭麾出之曰以父母七尺軀而偃
僂庭署至與奴隸伍何若是賤辱我爲其人慚謝去里中
人又爲之語曰若水奇男乃如處女避城若甕避官若虎
若水之侶澹臺子羽家頗饒喜濟人利物見鄉人有流離

困頓者周卹之無少德色又樂與人談好德事諸爲善獲
報者必舉其人以實之鄉人多爲之鼓舞里有惡少以不
軌逞始和顏誠論不悛乃擯弗與語輒隱身避之戒子弟
是不可向邇也厥配官橋陳氏有婦德雅稱爲君婦子四
人孫六人各能守其家學余與蔣君者友也君慎交遊少
許可乃獨心折余今其族纂輯家乘將告竣故以余所聞
見於君之言行臚列之如此使後之君子得以考焉

皆

康熙壬午歲次臘月之吉

同學弟陸可鑑拜撰



麟三百七十一仁翁蔣先生傳畧

箕疇五福歸於攸好德蓋言乎德爲諸福之本而大德之人葆其天和天亦若厚俾之以其遇使之享遐齡萃家慶又使之遂山林之樂以佚其身擁貲財之富以成其志又奚必登

朝廷建當世之務哉邑西之橫城蔣爲望族山川靈淑人文鵲起有諱士恒字爾仁公者享年九十有二壽翁也余叨在姻好知公爲最悉公幼讀詩書深明義理不沾_以於章句不役_以於顯榮勤儉克家義方訓子親在承歡菽水親沒經營窳窳一生所歷坦途事無缺陷其體泰然其胸曠然享大耄之年不假鳩杖良晨美景以游以休此其所以

壽而康而寧也然公豈自樂焉已乎自聚順庭幃友愛同
堂無間於父母兄弟之言凡族有禮儀必來取法族有疑
難必來取裁生平未嘗疾言遽色而人莫不敬憚之是宗
黨咸樂公之壽矣親不遺疎富不驕貧婚嫁不求全通財
不望報睦婣能計久長往來皆以誠意是姻黨咸樂公之
壽矣至於平是非息爭訟而不矜功濟窮困賑飢荒而非
市惠院宇頽者葺之橋道缺者建之義舉首倡小善亦爲
間閭高其行當道知其賢是同里咸樂公之壽矣公丈夫
子二長一堯幼一舜髻髮蒼白戲綵庭前孫男六人曾孫
濟七其中諱正興字禹功者與余相知也久弱冠遊并揮
霍之才綽有乘風破浪氣概皆爲大成器啣飴分甘公之

樂七且無央也方今

聖天子尊年尙齒加意巖阿耆碩行看大慶百齡榮膺

旌名以平日所志所行者舉而措之公之福豈但及於鄉里
已哉然人爭慕公之遇羨公之福而不知公之德實有操
券於五福之源者宜其享有遐齡後先輝映而爲

聖朝人瑞也歟

皆

乾隆四年十一月長日前三日

年家眷姪方永浦頓首拜撰

麟三百八十府君伯父士琨公行傳

伯父諱士琨字璧卿麟三百八十其行也英少年時侍處
士皇大父側嘗聞伯父姿敏過人延名師課業每冀大就
爲前人光後以家政旁午服勞之任不敢他譖研經之學
遂以中廢爰偕英父協力同心克勤克儉家道日致豐裕
叔父季父更得沐浴詩書且爲大父營吉兆立祀產設賢
田種七美舉賴伯父之功居多又卜佳城於山巖嶺爲壽
藏之所畱己田二十餘畝爲薦享之需貽謀可謂善且周
矣惜後嗣不齊而祀田傾壞殊堪扼腕今次男人久暨孫
洪璿各出己囊恢復以奉祀事則庶乎廢者能存而伯父
之血食亦永垂不朽英恐久而湮沒因誌之附諸家乘以


為繼述者鑒焉是為傳

祀田另載一列

皆

乾隆四年歲次己未仲冬上澣

嫡姪 英謹識



德基蔣公行傳

麟四百二十三

慨自風尚不古習俗澆漓世之人僉以夸詐爲技能刻薄
爲幹練而澹樸者流謂其爲迂也拙也謂其爲礫也無奇
也嗚呼時亦安知忠厚爲傳家之寶哉夫成周以忠厚開
基卜世三十十年八百非有他道周公之訓子親也任賢
敦故使能皆忠厚之至也今觀於德基蔣公而竊有感焉
余嘗館於公之義學堂而乃郎文音從遊有年余與公晉
接久矣聆其言論真而無僞挹其行止質而不浮其存心
也翼也其處世也溫也誠忠厚之君子也居家尤諳乎儀
禮而篤於倫常事父母則憫愉承順內外無間言待昆季
則怡也式好終始無相尤處庭闈則肫誠愷惻恩義無少

衰他如綜理常務秉正不阿拓公帑備祭器崇廟祀采芹
者給以資鄉試者贈以費尊祖敬賢之意可謂善且周矣
至若雍和睦族恬靜鎮躁柔順濟剛類聚群居油匕與借
而不自失此又如水然體清以洗物不亂乎濁受濁以濟
物不傷乎清也年幾古稀舉步不登城市足跡不入公庭
其節彌高其品彌隆殆亦世之所罕覩者人以公之忠厚
爲庸心而天乃以公之忠厚隆報施阜其財而豐其家能
積能散綽有伏波遺風爰卜基址宏開堂構額其扁曰積
慶蓋慕古人作善之義示子孫法守而綿世澤也又設賢
田爲後進鼓勵之典留祀產爲奕代薦享之儀非公之忠
厚性成亦曷有若此之貽謀哉公產四郎長文音積學有

素蜚聲藝苑堪爲儒雅之宗次文陽又次文美醇謹篤行
咸克亢宗而繩祖武季子文超焚膏繼晷摩礪以須步月
登雲自可預卜文音之子承善弱冠遊庠異日奮翮天池
登庸皇路余將拭目待之文陽之子承榮從余學於官橋
書舍與諸生共事筆硯亦駸也乎書史生香其餘孫曾濟
濟率冰肌玉骨蘭茁其芽公之發祥寢昌寢熾將來正未
可量豈不從忠厚中積而流焉者哉余今髮已種也而年
亦髦矣敢以相知之故不辭鄙陋謹遡公之巔末而樂爲
之傳

贊曰

忠信長厚 彝稟茂良 克孝克友 敦睦周詳


今人古風 挽勢瀾狂 彼蒼眷德 蘭桂飄香

襟懷誰似 丰度孰亢 猗歟我公 太邱彥方

文新皆

乾隆己未林鐘之候

歲進士眷侍教生趙正采拜撰



德基公像讚

麟四百二十三

傳家之道莫先孝友創業貽謀忠厚則久既廉且直解紛
杯酒積而能散不私所有合族交稱彼此一口東陽在宋
有四大家橫城之蔣累葉清華開塾宏教富而不奢並蒂
二寶瑞應嘉瓜今數百年翁能繼之德爲人表才足濟時
子有四傑丹桂聯枝慶餘厥孫燦々紫芝遺容斯在欽茲
令儀


昔

雍正九年歲次辛亥臘月中澣之吉

歲進士鶴潭王崇炳題

東坡士

蘇軾



蘇軾

蘇軾

蘇軾

蘇軾

蘇軾

蘇軾

邑庠際唐蔣公行畧

麟四百二十六

余當未宦遊時伯父雅與余論家常事每道及姻戚故舊
知古婺安如蔣氏有諱忠虞字舜臣號際唐公者乃余表
兄也其生平行誼伯父蓋詳哉言之余低徊不忘今看以
嚴制告歸適公幼男諱書紳庠名崇躋者伯父延入課孫
余見之如見公爰憶伯父所言而爲公敘其略公係表姑
夫希演翁冢子年弱冠蜚聲黌序於康熙甲寅厥考遭危
險公能周旋無恙後秉家政良久雖兩弟已分爨仍以合
食者視之外而親朋間里或誼當全紛當解荒當賑必一
也蓋其才分所能爲其於六行之孝友睦婣任卹蓋多合
焉此尙未足爲公異也前厥考捐己囊爲恢廓大宗計公

與一二同人分領錙累以襄義舉至今歌新廟奕也者公
蓋與有力也小宗秋祭尚缺孝思未展公約族中有志者
三十各捐資厚積而秋祭於焉煌也是非尊祖敬宗而所
稱作述重光者與聞公之堂額曰餘慶元配周氏有女克
光門楣繼配丁氏令德壽豈而長男尚泰以端雅宜人見
次男尚嵩以勤儉克家稱至如吾輩所推重若崇躋鴻文
翰墨多爲聖泮增光且其孫枝繞膝者皆蘄然露頭角其
餘慶爲何如耶卽盛德之休徵愈信伯父所言爲不虛故
畧爲記敘俾後列諸家乘以示不朽云

乾隆丁巳桂月之吉

賜文林郎知陝西西安府汾州事 愚表弟五雲楊 喬拜撰

清故處士蔣君調元暨配孺人李氏行狀

麟五百一

余甥調元姓蔣氏諱士璣別號儼若蓋如容翁之叔子也
翁配李氏卽余胞姊以親誼故日與往來甥方總角志氣
言動迥異群流因之先兄復締世姻以姪女歸之結縭後
力學研經窮大義參異同蓋寒暑不輟歷有年矣其事親
也曲折承順得其歡心喪致哀祭致敬無間於存沒金昆
玉季墳篋叶奏式好無尤一門之內雍_也如也至於待宗
黨接親朋恩義兼至情文備盡雖常變異遇必踐所行且
族有義舉如立人後祀爲之曲處宗祠嘗祭未備不惜己
財不辭經營而春秋大典觀厥成焉甥非昂藏丈夫藹然
君子哉無何天不假以遐齡生順治庚子卒康熙庚辰享

年僅四十有餘遐邇聞者悲悼僉曰天道無親常與善人
斯人也有志未就而竟赴玉樓誠所謂理不可推數不可
知也余姪女生康熙甲辰卒康熙己卯中道夭折更甚於
甥平居觀其溫也自持勤女工奉尊長意其相夫子白首
相保當無他虞而人生若寄忽焉過隙亦誠有出人意外
者甥沒之日女人深甫九歲男人溥僅五齡癸巳在疾俯
仰何賴而天又若有報之於後者余長甥琨二甥瓚幼甥
琰念手足之深情撫育恩勤不啻己出余甥孫德律呂守
叔父之遺命所垂家政代爲綜理一出一入皆有規條其
沒也較存益饒焉稍長卽延師課業務底成人觀其設施
他日必有以繩祖武振家聲是天之不負諸甥喬梓之意


卽天之不負調元意也甥亦可瞑目於九泉矣余以世好
情猶膠漆痛裂肺肝爰洒淚揮毫以表其梗概云

昔

康熙壬午之菊月

歲進士愚舅李中燧拜撰





致致士愚長季中歐其時

鄭燮王于之族凡

官

鄭燮王于之族凡

鄭燮王于之族凡

士修公行傳

麟五百十

凡立人之道有三一曰修厥德二曰建乃功三曰慎爾言
今有蔣翁諱士修字飭躬者實具茲道以立於世故淑人
君子咸嘖也稱道勿衰余生也晚不獲躬親儀容緣其長
孫繼業爲余妻之姑夫也因得侍從几席談論間每稱乃
祖實行甚詳始知翁之有是道也翁爲人醇謹厚重少文
是伊非伊但應諾也其與族中叔伯兄弟相接恂也自若
未嘗有忤慎爾言也迹其生平梗概則又常以光大先業
爲念迨後數十年來果得治家之道拓資產恢棟宇誨子
孫凡其光前裕後者皆以見翁創垂之隆建乃功也且其
性也憐孤寡恤困窮里黨中有不給者叩門貸借輒與之

勿索其券遇有急難每樂施濟修厥德也以故康熙六十一年災祲見告翁卽出粟捐賑遐邇群被其膏澤邑侯張公贈匾以獎之匾曰積德乃昌由此觀之翁率是道聚於厥躬不誠足傳乎閭里足式乎羣倫而爲世所罕覩者翁卒於乾隆戊午年三月初三日酉時距生於順治辛丑年九月初六日丑時享年七十有八元配朱氏機絲夜月丸熊課讀雖古名媛何以加茲側室邱氏克主中饋無黍小星舉丈夫子二長人禧朱安人所出克肖迺翁坦懷樸行喜爲親戚朋友排難解紛無炎涼狗鹿態爲世所推重次人裕邱氏生焉爲人英敏不凡有志書香以屢試不售遂捐入太學生孫正統正緒正綸正統卽繼業諱作觀人福

公之長君也性姿明慧銳意圖史工詩文乾隆十七年學
使彭公擢入邑庠元孫兆慶兆廊兆庭兆廡兆藩兆康兆
應兆選兆達曾孫永璫永琨永珏永珏永合具挺秀天植
稱其家兒謝氏寶樹也余爲欣羨爰竭鄙情恭疏蕪語輯
紀之以爲風俗勸

昔

乾隆歲次乙未三陽月下浣之吉

眷小姪邑庠生吳廷選頓首拜撰

麟五百十士修公像贊

秉性純謹賦質端凝席豐能儉履厚克勤事父母無虧大節處昆季弗形小忿時延師課姓子每出粟賧饑凶群邑高其義間黨沐其仁其風甚古其德彌新

安人朱氏像贊

溫也恭人其德自純視膳至孝問安至敬婦道幽閒母儀淑慎相夫必順課子必勤爾燕爾翼爾昌爾盛宜爾子孫振也繩也

內兄敬臣蔣公行傳

麟五百十九

蔣公諱忠虔字敬臣者余內兄也世居東陽之安儒厥考
靜齋公妣程氏靜齋公與余先君最友善時或造吾廬必
攜公偕來先君熟視而器之遂以先姊室焉盤桓至今六
十餘載故知公者莫余若也公少業儒無何適丁變亂乃
翁遭命累不得已棄業治生部署焦勞迄無停晷猶必順
事夫二人和好夫昆季而四方仁人君子更見其居心也
誠慤行己也端方處鄉隣謙光可掬接親友久敬不衰人
善則揄揚之人過則規誡之窘乏則捐貲賑恤之聲稱洋
溢公真可以快然無餘事矣而公曰未也吾爲宗祖子孫
則宗祖寢廟必自我建於不援吾爲子孫宗祖則子孫書

香必自我延於弗替大宗成賢田定知子尚袍尚襜必能
恪守成業其孫正高正亮正來正楠正杞正榮正充必有
光大門閭公乃得意揚七方且越仙關遍三山遨遊吳越
覽山川勝概訪賢哲遺踪不自知其神之倦而力之疲也
迨歸而自問年鄰八十矣因而圖其身後囑令集親族爲
立己與先姊祀田其繼娶厲氏克勤克儉而無嗣另立田
一併血食余聞言伏而思之不禁喟然興嘆曰閱人多矣
如吾內兄之隨事精詳能多得乎哉誠可法而可傳矣因
約略其巔末俾列家乘云

乾隆四年歲在己未小陽之吉

義邑眷弟邑庠生朱炳輝拜撰

蔣君爾進紀略

麟五百四十四

昔太史公稱游俠其行非軌正義然言必信行必果已諾必誠不顧其軀赴人之阨困而不矜能羞伐其功蓋亦有足多焉者彼拘學或抱咫尺之義久孤於世豈若卑論儕俗與世浮沉而取榮名哉而布衣之徒設取予然諾千里誦義亦有所長非苟焉而已謂其功建言信俠客之義曷可少哉至閭巷之俠修行砥名聲施一時莫不稱賢是爲難耳以余所聞蔣君行詣往七近之豈其流亞與迹其少時家無餘儲力能振拔崛起於家有經紀才拓址卜築規模宏敞有創垂大志友于昆季任勞怨悉以身先之厥仲早世撫猶子惠愛甚篤以成立望之爲人膂力精悍每劇

飲多豪舉大率任情不羈稍不諧於志卒發諸睚眦有古
游俠風或目爲豪暴之徒抑又過矣但儒墨皆擯排不載
謂匹夫之俠凌孤弱縱恣自快有極衆教而無足數者此
則大遠於蔣君矣顧君方壯歲制行立身好修寧有旣哉
後之視今安知不更異於今之視昔耶聊序所見聞爾也
蔣君諱逢先字爾進李氏其元配云贊曰藝士俠氣令人
古風訂交則肺腑相示敦誼則良友無戎立德剛與人忠
美輪奐而氣概崇隆謹於始慮所終加和平再磨礪跂望
我蔣公

昔人眷弟陸可鑑識

蔣岳祖母陳安人賢德傳

麟五百四十八

岳祖母太安人文學陳輝公之女也公係太邱冑裔家訓
嚴肅當未笄幽閑淑慎言動舉止悉合內則公爲相攸鮮
當意者旣而得岳祖肅臨公深器之許以雀屏中選及于
歸機聲善韻交相警戒其事舅姑必誠必慎處妯娌克敬
克和閨門整如齋厨秩然而岳祖益得宥且餘閒優游於
鷄窻筆硯之務羽毛豐滿飛鳴在卽奈志未就而中道崩
殂遺岳父昆季三人當時岳父頗長而仲尙幼而季甫週
祖母撫而歎曰天奪爾父自今其母卽於惰庶成名立業
可以慰爾父於冥漠蔣氏之門亦於爾有冀乎於是勤以
克家儉以自奉乘荻畫蘆防閑甚切諸凡外務委於岳父

罔不克承厥志延師課誦期以琢磨成就果而天鑒其衷
適遂其志仲叔翁文炳公蜚聲譽序品行足嘉季叔翁文
祖公持躬端雅族黨堪型蘭枝芳馥堂構鼎新雖岳父與
有勞焉而何莫非祖母之賢爲之祖母之德爲之也所謂
地道承天而代有終祖母其大有造於蔣氏哉稽古巾幗
之範敬姜明勞逸以示訓孟母斷機杼以示警如祖母者
可謂兼之矣謂非有得於太邱之遺範者歟倫不肖忝居
外孫叨聞巔末故敬序其概登之家乘以俟採幽芳者標
名彤管焉

昔

乾隆四年黃鐘月

孫壻金章倫百拜謹撰

若泗蔣公行傳

麟五百五十

余少時從嚴君肄業於安如之義學堂歷有年矣其間老成碩德與嚴君相晉接者纍々余亦得親承丰旨以想見其爲人乃知若泗蔣公體貌魁梧襟懷特達有昂々千里風尤士林之所難及者也公性孝友髫年失怙奉萱堂則順而恭處花萼則愛而和尊慈陳氏矢志柏舟儼若孟母幹練延師課業弱冠卽補入郡庠所垂家政悉以一身任其勞無二心亦無私積聲稱藉々人口至若宗廟中捐己囊以奉嘗祭集慈孫以薦馨香橫城舊祠有祀產廢壞公爲首董理不數年而積金恢復尊祖敬宗之義可謂善且周矣他如交遊不苟然諾不欺見人紛難輒侃侃直言立

爲排解未聞以鰥寡侮強禦畏也其忠信明決之才不更有卓越人表者哉生一子人炯余與共事筆硯如公之立身制行宜仍卽振匕以紹厥前猷數莫能延而中道夭折致媳陸氏抱痛終天不知造物者意竟如何所謂作善降祥其尚足信耶幸長孫洪穰與幼弟洪秋怡匕式好友恭無忝凡家務之紛投咸克仔肩而厥祖瘋卧床笱者幾近十載日同母氏左右扶持供湯藥省寢膳始終未嘗少倦且連遭三喪殫哀竭誠殮葬如禮公亦可慶繩武之有人哉曾孫二長樹堂次樹光頭角崢嶸見之者僉曰此寧馨兒也公之後昌不於其子而必於其孫余蓋有厚望焉公諱士鐸字天木若泗其別號也生康熙丙午四月廿七戌

時乾隆丁巳十二月廿七日未時元配陸氏生康熙甲辰
六月十五辰時卒乾隆丁巳八月十三巳時側室沈氏生
康熙庚戌四月十二辰時卒雍正乙卯四月廿三巳時今
長孫以家譜重修徵余表揚祖德余與乃父同窻知公之
行誼甚悉爰溯其巔末而詳爲之傳

告

乾隆四年戊午八月秋望

年家姪趙 煦拜撰

坤... 八...


...

...

...

...

...



恭紀

聲遠公行傳

麟五百六十二

易云積善之家必有餘慶此天道亦人事也人事修而天道應理有固然者

蔣翁諱士鐘字聲遠係光熙公之次子也自幼質性聰慧識者有非常之望無奈髫年失怙母子相依兄未成人弟猶赤子賴母陳氏撫養成立翁於此時敬兄愛弟克慰母心其天性然也厥後兄採芹藻之芳母表松筠之節抑亦翁之孝友相助而成者乎但居家不以財利營心讀書不以功名介意或耕於野或釣於溪或與昆季親朋酌酒吟咏優游閒雅宛有隱君子之風故其生平樂善好施凡濟

人之急成人之美者類不勝紀此固宗族鄉黨所樂得而
道之者也淑配邵氏盡婦道修姆儀所生五男二女皆有
義方之教焉內助賢而蘭室芬芳珠林灼爍致足樂也享
年雖半百全受全歸翁亦無遺憾矣而且金玉聯輝桂蘭
踵美長男人煜考諱毓琳學優入泮余姑夫也次男章甫
公之子諱洪濤年少遊庠四男文顯雙白齊眉子若孫
樂業興家爲族之望此皆翁之德行所致也所謂積善有
餘慶者不其然乎

林

熟姑之言甚詳敢誌其概以垂不朽

云

皆

乾隆乙未孟春月

眷小姪李 林拜撰

麟五百七十三士松公行傳

姪閱人多矣襲先世之餘潤而安享豐盈者固不足異惟
霹手成家而質朽粟陳者蓋不數也觀也若族叔諱士松
字叔卿者誠所謂能人也方其始也家業零落幾無立錫
之地及其壯也往外經商拚山運木所得者不啻百朋之
錫性秉剛直談論是非不避嫌怨錢掛杖頭沈酣麴蘖不
至號呶友愛風成怡也同氣不殊大被之聯也訂交最厚
英風俠烈儼似義重之壇也元配沈氏貞靜幽嫻綜理家
政相夫子遍結金蘭斗酒言藏而不空於滿座生長子人
魁頭角崢嶸着鞭一躍當撞破烟樓矣復居順邑中饋鮮
供娶王氏以奉箕箒生子人元僉曰老蚌生珠興宗之

兒也所以藏之外府者收之內府善殖膏腴產甲鄉邑冬
裘夏葛優游於光天化日之下此非由困而亨者歟且每
懷罔極扞親骸於山川修阻之遙而得長眠之室無異漆
燈未滅畱待沈彬來也不賢而能之乎余也壽屆古稀與
叔同庚時嘗往來聯爲莫逆交而阿兄人魁亦恒以父道
事余意其長享遐齡視文孫之成立當無他虞而人生若
寄倏爾仙遊誠有出人意外者茲當家乘纂輯告竣則叔
之生平行事可使之泯沒而無傳哉余故不辭鄙俚備述
其梗概以垂不朽

皆

乾隆己未菊月

契姪邑庠生守亭氏鰲占謹撰

蔣處士棠廕公行實

麟五百九十二

蔣氏之先司空公以名閥顯於唐迨宋南渡有上祖諱沐者開義塾宏彰聖教其孫伯康公與弟季高公能紹述其事益廣教澤以無廢先志而季高公又師事三衢方先生與宋景濂切劘馳騁才名相頡頏予觀唐宋元明軼事未嘗不歎蔣氏之先多功名氣節之士而樂育培成惠及桑梓者數世勿替意其後必有端方正直模楷人倫秀發英奇騰驤仕路者而未遇其人乃今於棠廕公見之公諱士治字平遠棠廕其號也幼有至性事父兄輒以孝友聞及長涉獵書史通大義其防檢樞機整飭門戶者皆有繩尺規矩與六經之旨相脗合接人則恂乚恭謹語若不能出

諸口或因事排解雖雀角紛競公以片語別白聞者皆恍然悅服至於賑孤恤寡義所不容辭者卽割所有而無難嘗市魚蛙麋鹿以放之且不啻千萬計貧民之告貸者往也焚其券不復責其償也邑大夫高公之義薦以爲鄉祭酒則其律亡型家濟人利物者誠足爲末俗儀範矣淑配俞孺人系出名門能左右公以勸厥美論者擬之孟德耀桓少君不是過云令郎三人長人英能繼公之志經紀其家政次人廣業儒有駿譽三永清弱冠遊邑庠昔嘗從余遊者也孫男九人皆崢嶸見頭角其於蔣氏爲有光矣雖然有進焉公之年方逾甲子耳而貌猶童然髮猶黝然精神猶態也然將耄耄期頤皆可操券而取者異日年愈高

而德愈邵備三老五更之選非公其誰屬而公之子若孫
又皆炳七烺七挾隋珠和璧以遊於世亦安知不出諸衣
褐之懷袖而躋於清廟明堂乎則公且將照耀千古爲史
冊之榮所謂端方正直以模楷人倫者誠於公乎攸賴而
秀發英奇騰驤仕路者不更於公之賢梓林有厚望哉

昔

乾隆四年冬月長至前一日

丙辰恩科舉人眷晚弟趙楷頓首拜撰

漢劉向中...

言


漢魏志...

漢書...

漢書...

漢書...


漢書...



親翁麟六百三十二士尚公行傳

境遇無常或先否而後泰始困而終亨雖曰天命豈非人事哉如余親翁姓蔣氏諱士尚字尙質其初非素封之家也并非有成業之可守也爲阿堵中物所窘亦幾辛苦備嘗矣未幾而日積月累逆者漸順塞者漸通其故何也蓋嘗聞翁之生平務農業早作夜息瞿也然有蟋蟀之風則勤可嘉也食以時用以禮舉世俗紛華靡麗之習若冰炭之不相投則儉可師也每與人言多布帛菽粟語不飾智不欺愚情意懇也可謂忠矣人尙浮華我崇愿慤人尙谿刻我務肫誠覺無懷葛天之風於茲未墜可不謂厚歟而親姆陸氏又翁之賢伉儷也賦桃夭而來宜室宜家孝慈

並篤而且荆釵裙布操作而前迄於今隣姬妯娌稱道其
 德弗衰夫勤儉者成家之本也忠厚者神明幽贊之而况
 賢內助之善相良人亦足見翁刑于之化此非人事之克
 盡者歟其先否而後泰始困而終亨宜也非倖也舉丈夫
 子三長人琴豁達大度次人棋渾厚性成余先兄東床之
 坦也季人聖與仲兄同德總之皆克家之肖子云孫男八
 人長階平從余遊彬雅能文雅重氣誼朋輩皆亟稱之其
 餘諸孫正達正秀正良正言正善正璉正忠即長幼不齊
 無不克繩其祖武者此所以予繼孫承膏腴日闢堂構維
 新又遠勝於翁未逝世時也向使翁當日者事上諉誦天
 命倦於勤濫於用忠厚無聞無以為帷房之法當翁之世





或且迄於無成而由否而泰困而亨不可得矣又安望後
之繼也承也而益光大其先緒也哉人事之盡其可忽諸

昔

乾隆三十九年歲次甲午季冬月

眷小弟樓步月頓首拜撰





林小... 八... 首... 辨

... 三十... 年... 月... 日

昔

... 其... 地... 而... 由... 而... 因... 而... 不... 以... 決... 天... 地... 之... 勢...

麟六百六十三正卿公像贊

雍容其度渾厚其光東身規矩比德圭璋敦倫飭紀名重
一鄉林泉棲息畎畝徜徉商山逸品洛社令望挺生桂子
教以義方孝悌忠信分列四房箕裘勿替後嗣熾昌

蔣公元配吳氏安人贊

卓哉蔣母巾幗英賢三從四德本自性天夙遵姆教內則
兼全來嬪望族琴瑟調絃鹿車共挽鴻案致虔紡風織月
中饋無愆祥徵弄瓦遽赴黃泉其人雖杳閭範依然

蔣公續配王氏安人贊

畫溪淑女蔣姓合歡弋陽嘉耦媲美鳳鸞克勤操作朝夕
力殫勿營粉黛勿尚羅紈助勸家道夫婦相安篤生哲嗣

村... 卷之十一
競爽二難各斯衍慶繩蟄可觀遺徽瞻仰千古不刊

蔣公繼配王氏安人贊

太原淑媛畫水鍾英女箴素習婦道克成續絃雅奏亦有
賢聲躬操井臼冀野餉耕相夫立業交警鷄鳴惠能逮下
穆木堪賡陸家雙璧嶽降崧生母儀足法閨閣傳名

昔

道光己未正陽月之吉

眷再姪吳純一拜題

